

Ո Ր Ո Շ ՈՒ Մ 3/11

Մաքսային վճարների գանձման վերաբերյալ

<< 14 >> մայիսի 2014թ.

ք. Երևան

ՀՀ ԿԱ ՊԵԿ << Զվարթնոց >> մաքսատան պետ Ս. Սաֆարյանս, ուսումնասիրելով << **Բժշկ. սարք. և սպասարկ.** >> Հայ-Ֆր Հ/Ձ-ի (ՀՎՀՀ՝ 00000661, ք.Երևան, Կոմիտասի 44) կողմից 2010թ. սեպտեմբերի 2-ին <<ներմուծում ազատ շրջանառության համար>> մաքսային ռեժիմով ձևակերպված ապրանքների մաքսային ձևակերպման փաստաթղթերը՝

Պ Ա Ր Զ Ե Ց Ի

02.09.2010թ. <<Բժշկ. սարք. և սպասարկ.>> Հայ-Ֆր Հ/Ձ-ն C-15237 ԲՄՀ-ով <<ներմուծում ազատ շրջանառության համար>> մաքսային ռեժիմով հայտարարագրել է 1 հատ տեսատպիչ MITSUBISHI P93E: Հայտարարագիրը 02.09.2010թ. ընդունվել է մաքսային մարմինների կողմից, ինչի կապակցությամբ հայտարարագրի վրա նշվել է հայտարարագրի ընդունման համարը, ամիսը և ամսաթիվը:

ՀՀ մաքսային օրենսգրքի 25-րդ հոդվածի համաձայն՝ <<ներմուծում ազատ շրջանառության համար>> ռեժիմը կարգավորում է ապրանքների և տրանսպորտային միջոցների ներմուծումը Հայաստանի Հանրապետության մաքսային տարածք՝ առանց հետագա արտահանման պարտավորության: Մաքսային այս ռեժիմի շրջանակներում օրենքով սահմանված չափով և դեպքերում գանձվում են մաքսային վճարներ:

02.09.2010թ. C-15237 ԲՄՀ-ով <<ներմուծում ազատ շրջանառության համար>> մաքսային ռեժիմով հայտարարագրված ապրանքների համար ենթակա է վճարման ավելացված արժեքի հարկ՝ 109.122 դրամ և մաքսավճար՝ 6.500 դրամ:

14.04.2014թ. Արաբկիրի հարկային տեսչության տեղեկանքի համաձայն՝ վճարվել է 70.200 դրամ ԱԱՀ-ի գումար՝ C-15237 առ 02.09.2010թ. ԲՄՀ-ի համար:

<<Ավելացված արժեքի հարկի մասին>> ՀՀ օրենքի 6.1 հոդվածի համաձայն՝ 02.09.2010թ. C-15237 ԲՄՀ-ով ներմուծված ապրանքների ԱԱՀ-ի վճարման ժամկետը հետաձգվել է հայտարարագրման օրվանից մեկ տարի ժամկետով՝ մինչև 02.09.2011թ., սակայն վերջինս սահմանված ժամկետում չի վճարվել:

<<Ավելացված արժեքի հարկի մասին>> ՀՀ օրենքի 6.1 հոդվածի 3-րդ մասի համաձայն՝ ՀՀ ապրանքների ներմուծման դեպքում մաքսային մարմինների կողմից հաշվարկված ԱԱՀ-ի գումարները վճարվում են ԱԱՀ-ի վճարման հետաձգման ժամկետը դադարելու օրվան հաջորդող 10 օրյա ժամկետում:

<<Հարկերի մասին>> ՀՀ օրենքի 23-րդ հոդվածի համաձայն՝ հարկի վճարումը սահմանված ժամկետից ուշացնելու դեպքում ժամկետանց յուրաքանչյուր օրվա համար հարկ վճարողը վճարում է տույժ՝ ժամանակին չմուծված հարկի գումարի 0.15%-ի չափով:

Հիմք ընդունելով <<Բժշկ. սարք. և սպասարկ.>> Հայ-Ֆր Հ/Ձ-ի C-15237 ԲՄՀ -ն և ԳՀԼՀ բաժնի 12.05.2014թ. թիվ 3 տեղեկանքը՝ 14.05.2014թ. դրությամբ ՀՀ պետական բյուջն ենթակա են վճարման 60.198 դրամ մաքսային վճարներ, որից 38.900 դրամը ԱԱՀ-ի գումար և 21.298 դրամը ԱԱՀ-ի տույժի գումար:

Ելնելով վերոգրյալից և ղեկավարվելով ՀՀ Մաքսային օրենսգրքի 25-րդ, <<Ավելացված արժեքի մասին>> ՀՀ օրենքի 6-րդ, <<Հարկերի մասին>> ՀՀ օրենքի 23-րդ և <<Վարչարարության հիմունքների և վարչական վարույթի մասին>> ՀՀ օրենքի 53-րդ և 58-րդ հոդվածներով՝

Ո Ր Ո Շ Ե Ց Ի

1. <<Բժշկ. սարք. և սպասարկ.>> Հայ-Ֆր Հ/Ձ-ից հոգուտ պետական բյուջեի գանձել 60.198 դրամ մաքսային վճար:
2. Որոշման մասին օրենքով սահմանված կարգով տեղյակ պահել <<Բժշկ. սարք. և սպասարկ.>> Հայ-Ֆր Հ/Ձ-ին:

Որոշումն ուժի մեջ է մտնում այն ստանալու պահից և <<Վարչարարության հիմունքների և վարչական վարույթի մասին>> ՀՀ օրենքի 10-րդ գլխի նորմերին համապատասխան՝ կարող է 6 ամսյա ժամկետում բողոքարկվել վերադասության կարգով կամ ՀՀ Վարչական դատավարության օրենսգրքով սահմանված կարգով՝ վարչական դատարան:

Որոշումը կամավոր չկատարելու դեպքում այն կկատարվի <<Դատական ակտերի հարկադիր ծառայության>> միջոցով՝ պարտականի հաշվին:

<<Զվարթնոց>> մաքսատան պետ՝



Ս. Սաֆարյան